

吳越備史

一

新平州

FDG

上海涵芬樓景印吳枚
菴手鈔本原書葉心高
十九公分寬十三公分

吳越備史卷第一



武勝軍節度使掌書記范炯

武勝軍節度巡官林禹煥書

武肅王

武肅王姓錢氏諱鏐字具美杭州安國縣人

即臨安縣也

唐武德中陪葬功臣潭州大都督巢國公九隴八代孫也

大中六年壬申二月二十六日生於本縣之衣錦鄉勳貴

里曾祖諱沛唐宣州旌德縣令累贈吏部尚書上僕射追

封洪勝王曾祖妣重氏追封齊國太夫人祖諱宙累贈太

尉追封建初王祖妣水丘氏累封楚國太夫人追封晉國

九華太夫人皇考諱寬威勝軍節度推官職方郎中守太
府少卿累贈禮部尚書開府儀同三司守太師令_書追封英
獻王皇妣水丘氏累封秦國太夫人追封趙國太主太夫
人王即長子也先是五年邑中大旱邑令_命道士東方生起
龍以祈雨生曰茅山前池中有龍然不可起必大異邑
令乃止明年復旱又召東方生起龍將臨池遽指王所居
曰池龍已生此家矣時王已誕數日始誕之夕皇考方他
適鄰人急走告曰適過君家後舍聞甲馬之聲甚衆非有
盜乎皇考乃急馳歸王已誕矣復有紅光滿室皇考頗怪
之將棄于井祖妣知非常人固不許因小字曰婆留而井

亦以名焉王自幼常與羣兒聚戲于樹陰石上或伐薪必
使羣兒聚以供已隨多少而賞罰焉王嘗憩後山忽一石
屹然自主王因志之及貴建功臣精舍於其地遂以石為
佛坐樹跏趺衣錦將軍十三年冬十月皇祖太尉薨將葬之
夕大風拔樹于野詰旦術者引靈輜將就葬所謂王考曰
此拔樹之穴是天啓也宜以葬遂寔之畢術者撫王曰當
貴此孫耳王常遊徑山書院有道人洪湮者每迎于門王
頗惡之一日自後山避徑而往湮亦迎焉王問其故湮曰
君非常人故預知耳

乙乾符二年夏四月浙西鎮遏使王郢作亂勅本道徵兵

討之時董昌戍石鏡鎮亦募鄉里之衆以副召王遂委質于董氏始為偏將王入軍中驍勇絕倫為董氏所重

時王年二十四矣

及董為杭州一日因事遣王之臨安途次餘杭有瞽者善摸骨相集于龍光橋

在餘杭縣

王因請相竟無一言王一日自臨安而還日已暮矣相者復在舊所王遂贖金以為請相者曰苟無人乎王曰獨在斯相者乃引臂久之嘆曰天下亂矣暮時之內再遇貴人言訖而去旬日後王復以束帛至餘杭將酬之訪于鄉

間竟絕踪跡

戊戌五年寇盜蜂起有朱直管曹師雄王知新等各聚黨數千剽掠于宣歙間秋九月王率本鎮兵討平之以功聞授石鏡鎮衙內都知兵馬使遷鎮海軍右職

己亥六年秋七月黃巢擁衆二十萬人大掠州縣淮南節度

使高駢羽檄徵兵討之時巢三百餘衆將及石鏡鎮王謂

董氏曰黃巢以數萬之衆踰越山谷旗鼓相遠首尾不應

宜以伏兵襲之賊或少却則可逐矣巢前軍二千餘衆果

崎嶇而至王率二十騎伏于草莽巢小將單騎先進王親

注弩射之應弦而斃伏兵遂起巢兵大潰王謂衆曰此術

止可一舉耳大軍必至則衆寡莫敵矣宜乘勝張虛聲以
懾之乃進屯八百里

古地名也

逢次逆旅遇一老嫗而誡之曰後有兵至當言臨安兵屯
八百里未幾巢兵果至具如所對賊衆相顧曰向止數騎
尚不可當況八百里乎遂不犯境王又伺其後軍殺獲人
馬而歸功董氏淮南高駢聞而偉之

庚子廣明元年冬十二月黃巢犯關僖宗入興元杭州始建
八都

臨安縣曰董昌王副之餘杭縣曰陳晟於潛縣曰吳文

舉鹽官縣曰徐及新登縣曰杜稜唐山縣曰饒京富春縣曰文禹執泉縣曰凌文舉各聚千人以衛鄉里

既而高駢呂董氏赴廣陵王亦從焉時駢熟視王頊上右曰此人他日爵祿必遠過于我時駢將大舉討巢命董氏從行王謂董曰竊窺高公無討賊之志苟從其行功效不立是同坐罪宜以捍衛鄉里為辭董然之告于駢因以禮而歸焉是月黃巢自稱大齊皇帝

辛丑二年春正月僖宗幸蜀改元中和勅高駢為東西行營都統起師討巢駢竟不出兵秋八月己丑夜星大如杯碗交流如織至丁酉乃止

西晉之末五星互經天縱橫無常未幾五胡之亂驗矣

九月詔授董昌杭州刺史授王都知兵馬使太子賓客

寅中和二年秋七月浙東觀察使彭漢宏姓王諱以天

子西幸乃遣弟漢賓馬軍都虞候辛約率兵二萬營于西

陵將圖浙西既燒魚浦劫富春兵勢甚盛董氏遣王率師

禦之是月十二夜將渡江而星月皎然兵不可渡王親掬

江沙吞而祝曰吾以義兵討賊天將見助願陰靈蔽月以

濟我師俄而雲霧四起咫尺晦暝王大喜即先渡江竊賊

踴縱火斫其營精兵繼至破賊殆盡漢賓辛約走之擁入

溝塹士卒大半溺死屍骸相枕冬十月漢宏又率衢婺等

四州兵七萬餘人遣登高鎮將王鎮領之營于江干連營相屬王率儒童鎮將徐清浙江都遊奕使阮結銜枚宵濟獲大破之王鎮奔諸暨王獲漢宏所署主將憲官偽勅二百餘道俘賊萬計兵甲生口稱是歸漢宏所掠民間妻女于鄉里者數百人是月詔王兼侍御史

癸卯三年春三月漢宏又分兵于黃嶺岩下貞女等三鎮及山洞凡九十三所皆千餘人以圖大舉王率八都兵自富陽以趨之破黃嶺岩下及山洞三十餘所生擒貞女鎮將陽元宗岩下鎮將史弁等仍焚其兵甲夏四月漢宏自領兵屯諸暨古剎嶺至于亭山龜山之下王先攻諸暨獲糧

二萬餘斛旋破古剎嶺亭山等寨賊皆宵遁五月漢宏又遣將何肅黃珪等率本道排門軍營于蕭山諸暨等處王親禦之破賊一萬餘人生擒都虞候章公直餘黨走之冬十月漢宏又遣弟漢客与辛约巴五李萬敵等會溫處等州兵泊白丁十餘萬衆從蕭山西陵大出戰船以謀宵濟王自新沙由漁浦而攻之戮何肅等遂趨蕭山是月戊午王親與漢宏遇自午至戌破賊大衆漢宏易服持膽刀而遁時軍中有異其狀者將擒之漢宏詎曰我宰夫耳遂伏于亂屍之內得免次日漢宏復舉餘黨四萬人來抗我師乘勝大敗之斬漢容辛约及招討判官譚昇都知兵馬巴

立先鋒李萬敵仍撥漢宏偽淮海討使卽一紐戰艦五百艘馬四千蹄兵甲萬計俘賊千人漢宏宵遁歸越

甲辰四年春二月婺州王鎮執刺史黃碣請降于王漢宏聞之使其下婁賚殺鎮而代之夏四月浦陽鎮將蔣環會我師攻婺州生擒婁賚而還未幾勅命中使焦居燾為杭越通和使俾其改過王遂班師以待之漢宏因赦王人密徵水師于温州刺史朱褒出戰船習于望海以史惠施堅實韓公沃領之復固水陸並進秋七月勅授王國子祭酒兼御史大夫右千牛衛將軍冬十二月朔天子南郊改元大赦

乙未元年春正月傳宗發蜀三月至京師冬十月授王
檢校散騎常侍右武衛將軍十二月監軍使田令孜進逼
帝如鳳翔

丙午二年春正月田令孜劫駕如寶雞二月復興元冬十月
大將朱玫立襄王為帝

朱玫僭立煚為帝以正其反逆之罪也

是月一日王謂董氏曰除惡務去根本不尔當為後患願
以全師討之董曰然王即日進師以諸都兵馬使阮结守
梅市監陣使錢真守雙童過後使駱團守平水降將使韋
可周唐晟王公憐等守蘭頭江海遊奕使崔則守羊石是

月辛亥王親率師自諸暨趨平水築山路至于曹娥埭癸
丑破韓公汶因與朱褒遇水師戰船皆焚而溺之甲寅進
屯豐山梅城鎮將施堅實執漢宏右直將張師及歸于王
丙辰進拔越城漢宏支台州辛酉戮漢宏妻母弟姪及其
黨史惠史侃都虞候蔡玘于軍門十二月丙午台州刺史
杜雄執送漢宏至命斬于會稽市漢宏斥刑者曰吾廉察
也非汝輩可殺吾嘗夢手捧金錢殺我者錢公也乃請王
親刃焉

漢宏兗州使院之小吏也尋為大將^領尋本州兵以禦黃
巢寇遂殺將首刼輜重而叛詔忠武軍討之不利復命

前濠州刺史崔錯招攜之宏遂降授宿州刺史會浙東
觀察使柳韜以贖免朝官皆耻代之議者以漢宏降將
也以降將代贖吏宜矣乃除之既有七州之地而復萌
逆節常會客酒酣謂衆曰天下喪亂金刃之讖烏知非
僕遂極掌大笑復又會于使院有羣鴉噪庭樹上因使
伐木有座者言此樹有年矣鴉噪乃常耳願勿為怪宏
曰我將斬白蛇豈止此樹邪遂伐之又嘗構別第窮極
雄壯一日有飛帛書署其門曰漢宏是賊豈宜造此大
宅之中堂懸一錦傘守衛甚謹即夕失之人皆以為
任俠所獲及舉兵至西陵將謀渡江乃禱于江干俄有

一矢墜其前莫知其所來宏頗惡之既敗弃其母挾妻而奔馬就執之日董庶人讓之宏曰成即是敗即非自古何有不敗之家不亡之國然則僕射亦有名將良策宏無之以至于此何必太讓哉

既而儒童鎮將徐靖以俘掠居人戮之于市北關鎮將

城

孟安与弟孟宿輒起府庫散其本部仍執廉使牌印王因

纒于擊場遂責之孟安即席謀王立斬以徇時孟宿部兵

屯于外王親撫之悉有其衆越人及諸將皆推王為主王

固讓董氏董遂權蒞于越杭人復請王代董氏時浙西節

度使周寶承制以王權知杭州軍州事兼杭州管内都指